



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispositio Et Perioche Historiae Evangelicae Per IIII.
Euangelistas contextæ, necnon Actuum apostoloru[m],
Epistolaru[m] quoq[ue] Pauli XIII. & Canonicaru[m] VII.**

Bullinger, Heinrich

Tigvri, 1553

VD16 B 9605

1 Argvmentvm Epistolæ S. Pavli Ad Romanos.

urn:nbn:de:hbz:466:1-35634

EPISTOLA PAVLI

recentiorum non pauca in hanc extare commentarii
quæ hoc nostro tantum abest ut contemnamus, ut magis illorum opera sicubi necessarium sit utamur. Tunc pīssimum enim adolescentibus in primis cornicū configere oculos. Interim quis orō singulos prophetarē prohibeat? Scripserunt illi eruditis, ego rudibus & mediocribus. Varia instrumenta habet in ecclesia sua omnipotens, quibus ad gloriā nominis sui & ecclesiæ sua institutionem utitur. Varia sunt et spiritus sancti dona. Nemini enim omnia, sed ad ædificationem omnibus contulit omnia deus.

Igitur ad gloriam nominis dei & ecclesiæ sua profectum, ecclesiæ hæc nostra propono iudicanda, quibus schemata & contextum orationis, nō minimam obscuritatis causam simplicissime indico, cum gratiarū actione cessurus, si alteri melius quippiam fuerit reuelatum.

I ARGUMENTVM EPISTOLÆ S. PAVLI AD ROMANOS.

Occasio.

ROMANORVM ecclesia, quæ ex Iudeis & Gentibus constabat, egregie erat in fide Christi imbuta, doctoribus Andronico, Iunia, & Narciso, uel quod alijs placet apostolo Petro, qui Romam secundo Claudijs Cæsarjs anno appulerit. Vt cūq; uero ea res habeat,

habeat, certe Romana ecclesia eo tempore, quo ei hæc
a Paulo scribebantur, recte fuit in uera fide instituta.
Iccirco consentaneum est Apostolum nulla ab errore
reducēdi opinione hanc scripsisse: recta enim ambula-
bat, sed pia cura. Obturbabat enim ecclesiæ Dei Mi-
neorum hæresis, quos uulgo Nazaræos nuncupant, uer- Nazarei.
sutiſſimum genus hominū, qui (ut inquit Hieronymus)
ueteris legis obſeruantiam Euāgelicæ gratiæ aptabant,
¶ ea prorsus de Christo dicebant & credebant quæ
nos, sed uni non omnia tribuebant ut nos, quin magis le-
galibus & operū meritis. Hos itaq; ut nullibi non acri-
ter impugnabat apostolus euangelicæ gratiæ acerrimus
propugnator, ita hic quoq; sua ſponte iſtis ueluti præ-
ueniens ueritatemq; ab iſtorū repurgans ſordibus, Ro-
manis hac epiftola trudit, iuſtitiam non deberi uel lega-
libus uel operum meritis, sed fidei Christianæ. Hic au- Scopuſſa
tem sermonis characterem ſic attemperat, ut ſimul &
ſumma fidei ac doctrinæ Christianæ perceneat, interim
& Iudaicum deprimat ſupercilium, illud quoq; ē medio
tollat diſſidium, quod inter Iudeos & gentes indies ma-
ximis glifebat auctib⁹. Docte itaq;, clare & copioſe
totum hoc negotium ſic tractat.

Initio proposita expositione p̄figit scopum to- De uerita-
tius cauſæ, iuſtum ex fide uiuere. Hunc prolixius expo- ficitia.
lit distributione quadam docens cum Gentes tum Iudeos;

EPISTOLA PAVLI

quim & omne mortalium genus peccato esse obnoxii iustitiam itaq; non esse hominis corrupti et peccatoris, sed dei potius miserentis eamq; credenti gratia confitit. Illud porro copiose admodum primis exponit capitibus. Hoc uero quod fides sit iustitia, cœu noua confirmatione in fine 3. & per initia 4. cap. astruit. Sed in fine huius digreditur, & Fidem ueram, exemplo fidei Abrahæ & cognatis seu consequentibus fidem, describit. Et iterū ne quid cuiquam deesset, denuo totam causam contentionē quadā demonstrativa ob oculos reuocat, ut quisq; uel cernere possit ab homine nihil nisi peccatum, at à deo per Christum solum, omnem profici iustitiam. Atq; hæc quidem quæ quinq; istis primis dixi tractata capitibus, prima & potissima continent euangelij mysteria, peccatorū uidelicet remissionem & uitam per Christum restitutam.

Quæ autem sequuntur usq; ad cap. 9. ueluti subdividum satisfactio siue declaratio sunt superiorum. Cum enim illa uni Christo fideiç; in eum tribuerint omnia, & mens humana crassa fit, ideoq; mox ex istis colligat per fidei libertatē licere omnia, sed & opera bona esse frustanea, inutilem quoq; legem, utraq; hæc præoccupatio quadam diluit, & in sexto quidem cap multis argumentis demonstrat, fidem hominem fidei uirtute, studere pictati, innocentiam colere, & uere bona opera sectari.

Summa
euangelij.

sectari. Neq; enim libertatē Christianam esse peccandi
licentiam, sed peccatorum uerius abnegationem et sancti
emoniae cultum. Id quod et similitudine quadam ue-
nusta in 7. cap. initio declarat. Nam sequentibus com-
monstrat legem non esse inutilem, sed sanctā et bonam.
In octavo autem redit ad id, unde in 6. et per initia 7.
erat digressus. Docet enim quatenus liberi simus, sed
et ad uitae hortatur sanctimoniam, quod et in illo coe-
perat: hic uero amplius exhortationi consolationē iuna-
git commodissimam. Neq; enim humana imbecillitas ci-
tra exiguum operam affectiones illas carni congenitas
premit, uincit et conficit. Et haec quidem altera pars
est euangelij, qua peccatorum adeoq; carnis (ut aiunt)
mortificatio sive sancta pœnitētia continetur, que qui-
dem aliud nihil est quam perpetua uitæ per fidem in in-
tegritate custodia. Habes itaq; hisce 8. capitibus po-
tissimum euangelij summam, de qua in euangelio secun-
dam Lucam sic legimus dixisse dominum: Sic scriptum
est, et sic oportebat Christum pati et resurgere à mor-
tuis tertio die, et prædicari in nomine eius pœnitentiā
ac remissionem peccatorū in omnes Gentes, et c. Haec
autem prima huius epistole pars esto.

Secunda continet negotium reiectionis Iudaicæ et Reiectionis Iudaicæ
uocationis gentium. Nam absolute negotio Euangelici daeorum &
mysterij, ut erat Iudeorum et Gentium debitor, utrisq;
uocatio Gentium.

EPISTOLA PAVLI

mederi cupiens Iudeorum primo arrogantiam deprimit.
Hi enim de genere patribus & electione sua gloriantes, populum dei liberum se esse iactabant, & hoc minus etiam suscipiebant euangelij prædicationem. Istud ergo obstaculum scripturis remouet, ijsdem & reiectionem eorum comprobat, caussamq; huius subnectit, quod numium suæ fidant iustitiae, monens ut iustitiae Christi subdant per fidem: alias enim perituros, id quod etiam prophetæ prædixerint. Et hæc quidē agit in capite 9. & 10. Porrò ne istud reiectionis negotiū miseris animis prorsus consternaret, ansam quoq; Gentibus, satis alias ferocientibus, Iudeos penitus contemnendi suppeditaret, in 11. consolationem instituit ac mitigationem, docens reliquias iuxta prophetarū uaticinia saluandas. Interim Gentes quoq; monet prioris uitæ meminerint, unde emiserint, qualesue olim fuerint, idololatræ nimis rum & hostes dei, nūc uero fide amici dei & testamenti participes facti sint, unde fide nunc quidem stent, fieri ergo posse ut perfidia recidant, & Iudaica gens resumatur: modeste itaq; de se sentiant, neminem uero contemnant. Siquidem iudicia dei ut noua & mirabilia, sic inscrutabilia esse. Et hanc quidem uoluimus alteram esse huius epistolæ partem, qua numerum uides maximum mysterium à maximo apostolo esse reectum: tametsi enim aliud instituisse egisseue videatur, explicauit tamē istud

istud arcanum quod Gentes quoq; ad promissiones testamenta & populum dei pertineant, atq; illi demum filij dei sint, non qui secundum carnem, sed qui secundum spiritum nati sunt. Id quod à maximis etiam in religione uiris adeo fuit absconditum, ut ni cœlesti oraculo comonitus fuisset apostolus Petrus, ægre Cæsaream iuisset ad Cornelium.

At tertii pars absoluitur quinq; postremis capitibus. Hæc uaria est de uarijs rebus ceu locis quibusdam communib; conscripta, lepide quidē & clare. Eleganter enim differit de Christianorum sacrificijs & oblationibus, De officio hominis Christiani, De magistratu & iure gladij, De ciborum & dierum delectu, De scandalo, Deq; alijs quibusdam rebus scitu opido quam necessarijs, quæ quidē Argumenti breuitas satis alias uoluta recensere non admittit.

Porrò orationis genus, si illam spectes demonstratio Genus orationis.
nem qua docet fidem esse iustitiam, non legem, non merita, si inquam institutum Pauli summarium generaliter spectes, Demonstratiū fuerit. At si expendas accusationem qua inter initia & Iudeos & Gentes peccati coarguit, uel illud pensites quod in 6. & 8. hortatur & consolatur, illud sane iudiciale fuerit, hoc Deliberatiū. Sed ita fieri solet ut præcipiuū aliquid dicendi genus reliqua in se contineat, imo sine reliquis absolui nequeat.

EPISTOLA PAVLI

Dicitio.

Dicitio autem uel stilus huius epistolae conuenit rebus,
Nam grauis est, non utiq; obscurus, sed decorus & mai-
statis plenus, a qua perspicuitate nemo unquam separa-
uit. Perspicue ergo & solide scribit Apostolus, modo
meminerimus sacris affectissimum pectus sic Graecos
quutum ut Hebreum interim, utpote ad Gamalielis pe-
des institutum, dissimulare non potuerit.

ARGUMENTVM PRIORIS S. PAVLI AD CORIN- THIOS EPISTOLAE.

NE MINI obscurum esse credo. Epistolas Pauli
non ex ordine scriptas esse, quo in exemplaribus
nostris vulgatis certa serie locatas uidemus. Neq; enim
ea quae ad Romanos extat epistola primo scripta est ab
apostolo quod primum occupat locum. Galatarum enim
& ante Romanorum & Corinthiorum exarata in ce-
tum exiuit fidelium, quinimo praesens haec Corinthiis
dicata ante Romanorum quoq; conscripta est. Primo
de materiam & tractatum rerum non temporum seriem
spectauit quisquis apostoli epistolas in hunc vulgatum
redegit ordinem. In Romanis disputatur de Peccato, de
Iustitia, de Fide, deq; uerae religionis & seminis dei na-
tura, ui & effectu. Merito itaq; primum occupauit lo-

640